

夏內史集
附錄



夏
內
史
集

附錄

夏完淳纂

中
華
書
局

19871

叢書集成初編

夏內史集 附錄

中華書局 出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

夏內史集

此據藝海珠塵本
排印初編各叢書
僅有此本

夏內史集卷一

夏完淳纂完淳字存古江南華亭人明考功郎中彝仲子宏光時以蔭授中書本朝順治丁亥走吳易軍爲參謀被執不屈死年十七乾隆四十一年□□□賜諡節愍

卷一 賦一首

大賦并序 朱錫鬯彝仲云存古南陽知二江夏無雙束髮從軍死爲毅魄其大哀一賦足敵蘭

成昔終童未聞善賦汪騎不見能文方之古人殆難其匹

粵以乙酉之年壬午之月玉鼎再虧金陵不復公私傾覆天地崩離託命牛衣巢身蝸室弔東幸之翠華蒙塵輶道望北來之浴鐵飲馬姑蘇申胥之七日依牆秦庭何在墨允之三年採薇周粟難渝黃農虞夏遐哉尙友之鄉南北東西渺矣容身之所在昔士衡有辯亡之文孝程有歸梁之札客兒飲恨於帝秦子山傷心於哀亂咸悲家國並見詞章余始成童便膺多難揭竿報國束髮從軍朱雀戈船蕭蕭長往黃龍戰艦茫茫不歸南雲喪師孤城潰版三軍魚腹雲橫歇浦之帆一水狼煙風動秦房之火戎行星散幕府隨離長劍短衣未識從軍之樂青燐蔓草先悲行路之難故國云亡舊鄉已破先君絕命哭葯房於九淵慈母披緇隔祇林於百里羈旅薄命漂泊無家萬里風塵志有復楚三秦壁壘計失依劉蜀帝子規千山俱哭吳江精衛一水羣飛哭海島之田橫尙無其地葬平陵之翟義未有其人天晦地久同泉下日暮

途遠何意人間。魯酒楚歌。何能爲樂。吳歎越唱。祇令人悲。已矣何言。哀哉自悼。聊爲此賦。以舒鬱懷。嗚呼。黃旗紫蓋。雪戟霜矛。何意南朝天子。竟投大將之戈。北部單于。遂繫降王之組。豈高廟之馨。十七世而旁移。孝陵之澤。三百年而中斬乎。此天時人事。可以疾首痛心者矣。國屯家難。瞻草木而撫膺。岳圯辰傾。觀河山而失色。勞者言以達其情。窮人歌以誌其事。追原禍始。幾及千言。寄愁心於詩酒。阮籍途窮。結豪士於屠簫。張良滄海。後有作者。其重悲余志也夫。

維昭代之代興也。乘土德而紹王。麗旭日而承天。帝執柄以司命。聿嶽鎮而辰懸。掃旄頭以靜衛。鞭角端以定邊。窮邛笮。通浪玄。朔方大出。南交凱旋。崇文會武。東鑠西鷄。閱兵則法高司馬。論都則賦雄孟堅。備禮樂於虎觀。絕烽火於狼煙。法不更而澤久。兵不耀而威宣。儼唐虞而比德。尙殷周而卜年。不意瑤輪無長炯之期。玉歷有中屯之會。天子端拱。無爲塞聰而治。羽獵火五柞之場。歌舞納三雲之地。震筵分枯苑之形。泰階起蜩蟬之異。議論廟謨。干戈兒戲。有道詠瞻鳥而長歎。索公指銅駝而下淚。山未頽而黯然。海不波而滄沸。然四極未虧。三倫不易。草木寒於北街。星日輝於南極。閭左多游俠之徒。京華無憔悴之客。造□□虎帳不朝。□□漁陽直入。遼水無聲。豎閭慘色。烏桓鮮卑之部。封豕長蛇之力。徙帳幕南。空羣翼北。中行之背未答。趙信之城再立。使我燕頤龍韜。霜戈雪戟。出榆塞而不還。墜梨矢而長黑。翻添月窟之哀。長有山陰之哭。於時五帥不歸。三城莫復。□在背局。□侵肘腋。元子所以傷心。江統於焉太息。且也朝堂多水火之爭。邊徼有沙蟲之戚。未拜郭隗。先誅李牧。熊羆夜而星淪。猿鶴秋而天覆。自蔽日之借叢。卒

終星而喪國。繼以中常侍之竊政。大長秋之尸祝。聖號定中禁之謀。節讓起北宮之獄。顧廚禍酷於三君。業若權延於五鹿。璿庭之璧月幾淪。虞淵之曜靈不浴。孤臣飲恨於屬鏤。碩士含辛而囊木。泥夫疆場多事。邊境傳烽。恆落魚門之胃。空誇馬服之功。衛青未聞其絕幕。魏絳不見其賜鐘。庸邀汗馬策。賈盧龍及夫星明少海。天孚大橫。殷丁河臺之志。周宣江漢之風。誅司隸之王甫。焚評史之蔡邕。然兵由積弱。政以賄崇。敵策不能止宣房之決。勺水不足息驪山之紅。見伊川之披髮。鳴天山而掛弓。笳鼓震於遼陽。旌旗明於塞上。問九鼎之重輕。窺山川之保障。嘶風則苜蓿千羣。臥野則駟駝萬帳。定遠非萬里之侯。驃姚無百戰之將。登陴而魚鑰倉皇。入援而龍旆震蕩。

衛丁零叛於東膠。毛修之亡於樂浪。非無刁斗之將軍。尙有綸巾之丞相。山鳴石鼓。宿動金精。三輔之薜蓬春牧。諸陵之弓劍宵驚。降將雲帆北渡。賢王寶馬東征。方將鴻雁集其安宅。鸞鸞奏其昇平。列九賓而告廟。開八門而受寧。忽焉五斗米之教起。三里霧之術成。秦晉蜂攘。豫楚蟻營。中橫淝泗。南極湘荆。元帥給雲臺之仗。尙書開武庫之兵。或墨衰以莅金革。或班劍以任鼓鉦。卒之黃巾黑犢之聚散。青袍白馬之橫行。王曰。叔父君之寡兄。或嬰白刃。有結丹纓。赤社隨而青茅廢。靈光頽而茂苑傾。式虧國族。深軫宸情。祭通侯於太牢。束帛戍王人於揚水。流薪帝子沒。而煙凝南浦。王孫隕而草遍空城。盜長陵之抔土。傷神州之陸沉。彼何人斯。哀哉至今。矧夫上谷爲鼙鼓之場。北海無龍蛇之陣。李都尉部曲不歸。陸平原風流頓盡。歎馬陵之道窮。絕龍城之宵遁。國門則畫策萬千。旌節則功勳尺寸。干城爲矛戟之饑。醢毒是鹽梅。

之分。恆見恥於少卿之書。非所望於錢神之論。聖人勵玉衣而靡替。垂翠裘而獨悶。便殿空談。平臺屢問。賜金罍則執政爲貴人之牢。望山頭則廷尉皆君子之客。然主威雖上法宣武。一作武宣臣德實遠慚廉。蘭使臂逆而更難。養癰潰而莫吮。所以遼水東西。人多犯順。大河南北。野皆饑饉。黑山藉以益繁。尤來聚而愈迅。遇王師如秋風之捲枯。下堅城若朝霜之悴菌。赤羽動而北馳。黃金鳴而西振。封函谷之一丸。據雍州之九郡。城郭胥淪。衣冠偕隕。犀兕有未贖之華元。丹青有不歸之于禁。旣度陝而叩關。復踰河而入晉。三千屬犀之騎。十萬迎風之刃。黃金臺之蔓草空衰。白玉仗之春罽俱震。地坼天崩。海焦星竄。蚩尤之毒霧彌天。軒轅之鼎湖虛殞。恨黃竹於千秋。悲蒼梧於一瞬。椒宮爲血淚之湘君。鶴駕有呼魂之子晉。弔望帝以何期。矢叩關而難進。可憐淚雨之昭陽。更有風塵之長信。桐棺墮馬鬣之封。栢路捲龍輶之轡。嗚呼。常斯時也。四海驚飛。三靈恫震。溘靈龜而大招。弔五雲而長恨。天上將軍之鐵馬呼風。宣陵孝子之布衣扶輓。三百年玉座晝移。十六世金鋪夜燼。且也劉太尉留於薊北。琅琊王渡於江陰。哭秦庭而歸虎穴。卜周鼎而陷龍潭。秣陵王氣。則黯然欲盡。易水寒風。則悲哉正深。將軍之樹北偃。□□之部西臨。假號子輿於城下。不立盧芳於雁門。借蚌鵲之利。逞□□之心。北闕之樓臺凋謝。西山之松栢蕭森。太液翻而石鯨慘澹。茂陵廢而玉盃浮沉。瞻河山而隕涕。撫草木而沾襟。雖君讎之少雪。實國難之相尋。鄴塢爲燃卓之地。漸臺興剽莽之軍。旣追風而西捷。遂射日以東侵。使南朝天子。北府大臣。烏衣則披綸揮扇。黃葛則懸膽臥薪。器成錯節。聖啓憂殷。祖士雅則雍州出牧。劉奉春則昌頓和親。組練餘燬者八百里。蛟皮犀屬

者十萬人。佛狸無飲江之志。老罷成臥路之勳。而乃東昏侯之失德。蒼梧王之不君。玉兒龍金蓮之步。麗華長玉樹之淫。柏梁建章。則讀西京之趙鬼。臨春結綺。則號學士之孔嬭。吳飲越豔。香酒梁第。先見乎玉杯象箸。復徵夫酒池肉林。問蛙鳴於爲公爲私。御龍衰於若亡若存。視江都而未武。擬長城而不文。冠蓋之銀青俱滿。朝廊之銅臭相因。但知安石之賭墅。何止元規之避塵。楚囚無新亭之淚。越絕非石室之音。南徐之兵甲不勁。淝水之草木無神。拜蔣侯爲靈帝。弋白雁爲國賓。柱石則孔愉。江統。閭外則祖約。王敦。將相盡更始之羊胃。衣冠多南渡之雁民。宜其及矣。況有強鄰。於時清人河上之師。天室通好之使。未許其冠帶春秋。遂至夫荆榛天地。蘇屬國之旄節不歸。庾開府之江關永棄。移貂帳之千里。逐龍駒之萬騎。投鞭則淮水不流。飲馬則長江無際。白羽死其孔明。綠幘亡其道濟。嗟乎。揚州歌舞之場。雷塘羅綺之地。一旦煙空。千秋景異。馬嘶隋柳之風。蜃吐海門之氣。潮上廣陵而寂寞。枝發瓊花而憔悴。鉅鹿沙崩。長平瓦碎。豺虎相臨。蛟兕俱退。鬼有曹社之謀。天同鶉首之醉。棧槍空鐵甕之城。弧矢落金山之壘。天子蒙塵。將軍仗義。軹道降王。長安舊帝。朱組輿輓之羞。青衣行酒之事。白日蒼茫。黃雲迢遞。楚姬之錦瑟新調。代馬之丹鬣乍繁。元武池邊。景陽宮裏。莫愁之歌舞如何。長樂之鐘聲已矣。斜陽歸而燕子秋飛。蔓草平而後湖月起。秦淮則一點青煙。桃葉則三聲漁市。蘼蕪遍於故宮。莓苔碧於舊址。平康之絕巷雞鳴。鍾嶺之空山鶴唳。風塵蕭索。今十二樓。煙雨淒迷。今四百寺。烏啼上苑之花。鵲噪孝園之樹。故老吞聲。行人隕涕。殷王子麥秀之歌。周大夫黍離之淚。天地何心。河山無罪。若夫龍種嗣而被奴。鸞儀降而爲婢。逐燕支而

上馳抱琵琶而北去。黑山之月年年青。冢之花歲歲室處有茶。□之淫。□一作髮有□衫之累。於是竿木羣興。風雲畢會。與六月之師。振九天之銳。橫海伏波。戈船下瀨。軌□秦之陳勝。效安劉之翟義。誅殷通於戲下。斬□阜於帳外。青雀煙騰。黃龍雲邁。今父有投杖之心。魯陽無挽戈之計。兵弱鄰強。地柔人脆。傷心夫王子白衣。絕望於將軍蒲類。田橫之五百軍人。項籍之八千子弟。平陵東而黃犢可賣。下澤左而烏雕不逝。天蕭蕭兮不明。日荒荒兮欲墮。傷兩鎮之不歸。痛孤城之已潰。聞楚歌則部曲蕭條。聽胡笳則征夫獻。國殤悲而陰雨深。戰鬼哭而愁颺。煙草依然。江湖如是。數魄東歸。一作歸來。靈風涕泗。至若江關不見。總國何方。坑既酷於新安。火復烈於咸陽。谷水無浮雲之便。崑山非行雨之鄉。姑蘇烽火。橋李蕪荒。草入語兒之館。月明響屨之廊。美人則紫臺黃土。英雄則白草青霜。風何爲而慘慘。雲何地而茫茫。禮魂兮。秦蘭秋菊。弔古兮。山高水長。悴瓊枝而無色。零瑤草兮不芳。三秋桂冷。十里荷香。景光黯黯兮消魂。煙波漠漠兮斷腸。夜不寐而隱隱。淚沾襟而浪浪。何日度鶯花之月。何年歸玳瑁之梁。燕巢枯柳。蝶舞空牆。壘頭無少婦之酒。城東非年少之場。舊遊客謝。獨壘荒涼。歸去則杜鵑啼月。力微則精衛填江。況夫國屯家難。先子云亡。訪彭咸於藥室。從墨允於首陽。留遺孤於盧堂。曾仗劍於戎行。濟雲帆之無路。匿土室而自傷。王章之牛衣空臥。馬卿之犢鼻頻穿。王夷之車長餓。范曄之麝空懸。任西華單衣見肘。孫叔敖餒鬼誰憐。弱齡則海籌十六。短髮則霜鏡三千。惟我生之不辰。丁窮酷之蒼天。若乃天南鼎定。浙右龍驚。劉文叔南陽白水。越勾踐采葛飛鳶。乾坤重照。日月雙懸。湖中賈勇。內地爭先。司馬秉中軍之鉞。虞人麾上

將之旗。三吳漁獵。七郡風煙。扁舟勢疾。三鼓氣堅。余乃飄搖澤國。躑躅行間。飲君親之夙恨。鬱家國之煩冤。短衣則東州亡命。長戟則西掖備員。既有志於免冑。豈無心於喪元。伍大夫昭關馬渡。張留侯滄海龍潛。純綺非封侯之骨。漁樵當用武之年。千里之月明鼓角。五湖之春泛樓船。魚龍蟠於甲帳。裘馬壯於戈鋌。錦韃紅三軍宴。金叵羅諸將扣舷。既充下乘。敢托中涓。草檄則遠愧孔璋。入幕則深慚仲宣。濤寒震澤。風厲由拳。秦帝之椎未中。楚王之臺不轡。時無文苑。人乏策權。龍衣逝矣。魚服困焉。吳明徹之功名何存。秦武陽之拳勇堪憐。吳要離才因風轉。楚熊勝膏以明煎。高漸離之筑聲往矣。徐夫人之匕首依然。亡楚之功不就。報韓之志誰傳。兼以五馬則寡君雲夢。六龍則周王翟泉。三戶亡秦之讎。九歌哀郢之篇。功成姬莘。名假蘇燕。義公既劫。壯夫不還。王褒則蓼莪三廢。夏馥則備保十年。入林自愧。夫介推蹈海深慚。夫魯連管寧卓犖。箕子朝鮮。煙斷營門之柳。霜凋幕府之蓮。國亡家破。軍敗身全。招魂而湘江有淚。從軍而蜀國無絃。哀哉欲報。已矣何言。嗚呼。予生於烈皇之朝。長於聖安之世。佐威虜以于征。從長興而再起。追懷故君。何賦何否。言念舊臣。何功何罪。或盱食而宵衣。或墮簪而遺珥。或麥飯以自嘗。或肉糜之堪恥。推本先朝。追原禍始。神祖之垂拱不朝。熹廟之委裘而理。罪莫熾於趙高。害莫深夫褒姒。惟屈蠶之下獄。與朱浮之賜死。雖大臣之無刑。非聖人之得已。至於五世偏安。三朝舊事。指觸悉爲貞觀。目采芝爲佞軌。使□□之北風。陷泥塗於南紀。殷深源之方略空。王夷甫之風流爾爾。若乃威虜偏裨。長興文吏。原非將帥之才。未有公侯之器。興懷鴻鵠之言。頗見龍蛇之志。日日胡牀之臥。夜夜釣天之醉。旣一戰之未申。

淪九死而靡悔。黃土一抔。丹青萬禩。余草木門庭。旂常家世。家淑人黃鵠之悲。先文忠白虹之氣。非無德耀之妻。尚有文姬之姊。衣冠連於杜曲。姓氏通於槐里。寄食無鄉。望塵有地。范丹之甌。長寒。卞彬之蠶。未棄。達士窮途之悲。壯夫歧路之淚。載念簪纓。言懷邦國。恨欲言而聲已吞。愁將訴而淚沾臆。何必雍門之琴。無假武陵之笛。日月如馳。親朋不識。獨劍空囊。三江浪迹。人容鼓史之狂。世笑□公之癖。混緇衣之高賢。結屠簫之豪客。三桑無再浴之期。一飯有千金之值。望舊鄉而雲影蒼蒼。弔故壘而風聲惻惻。蔣翊之徑不開。王猷之舟時出。秋水迢遙。寒林蕭瑟。野獸暮號。羣鴉晚集。鶴唳霜驚。鷗眠月直。過耳傷神。仰天太息。山氣兮江光。春陽兮秋色。嫺姚空舊築之墳。郎將有先陪之戟。蛟龍非遇雨之期。鯢鵬無御風之力。韓王孫之城下。知己誰人。宋如意之堂前。傷心何極。下江但見夫綠林。圯橋未逢其黃石。此孤臣所以輟食而捐心。枕戈而於邑者也。

夏內史集卷二

卷二 賦九首 騷九首

寒泛賦

若夫河海之廣。雖折草而可杭。江漢何深。亦浮杯而可渡。況乎方舟一葉。旣無濡軌之憂。野航雙槳。堪問迷陽之路。能無弔西方之芳草。慟哭途窮。傷南浦之寒煙。淒其歲暮者乎。余也。敝裘風宿。短髮霜侵。北首而懷淡。馳南冠而咏越。吟夙昔波濤之命。平生江海之心。雖宋玉悲秋。戒魂遊於湘浦。而王猷泛雪。還興盡於山陰。矧乃擊水三千。嘯巨鯨於深壑。通衢十二。泣枯魚於釜鬻。仲御則海濱擊楫。伯牙則山水鼓琴。涉江避世。不厭其深者也。爾乃飄零殘臘。躑躅窮年。冰池翠潔。寒江碧鮮。木蘭倚棹。芙蓉刺船。鸚鵡煙波之檻。鸕鶿風雪之天。呼鷗則布帆無恙。欸乃則輕橈宛然。駕濤船而非神。乘蠡舟而不仙。三江落梅之雪。五湖衰柳之煙。度空城兮蕪郭。凌大浦兮寒淵。秋蓬亂飛。古木微脫。寂寞潮回。蒼茫雲合。江鳧浴其平沙。寒鴉噪其晚葉。動曉氣而連吳。弄煙光而平雪。可以遠遊於焉。寒涉苦匏。浮水之罌。桃葉渡頭之楫。荒荒宿雁之霜。慘慘蘆花之月。長天勁隼。空汀孤鷺。楓湛湛而流丹。鷗亭亭而失素。數聲出浦之漁歌。幾點平原之鬼火。迷青雨於荒洲。斷黃雲於古渡。天雞之響不窮。海鶴之飛無數。荒邱無字之碑。華屋何人之墓。隱隱遙山。蒼蒼平戍。傷心半死之蘼蕪。滿目無花之古樹。弔故渚之秋蓬。訪芳洲之殘杜。旣擊汰於回谿。

復停橈於歧路。猿噉噉而呼風。天低低而如霧。柴門半掩之野人。推笠相逢之漁父。煙水則羊裘見尋。風浪則鷗夷未遇。衛邱一節之竹。南華五石之瓠。禦寇之風冷然。子胥之潮時怒。度船影其若搖。泣榜歌而如訴。清商之曲不調。子夜之聲數誤。魚無情而仰沫。鳥欲飛而難度。加以菰蘆亡命。風波逝魂。憔悴江潭之客。髣髴蘆中之人。驚風朔雪。桂棹潺湲。糾糾葛屨之公子。靡靡衰草之王孫。澄江兩楫。寒酒一尊。月隴臙虛朗。煙漠漠其黃昏。霜滿鳥啼之夜。風高鶴唳之村。魂消易水。腸斷夷門。瀨女以壺漿託命。漂母以一飯留恩。抑古今之殊軌。豈窮達而同論。昔芳景之盛年。麗風花於江表。三春鬪草佳人。二月踏青年少。綺羅彩舫之徘徊。簫鼓畫船之繚繞。柳絲春斷。梨花風曉。夜夜合歡之花。處處宜男之草。醉殺莫愁之湖。夢盡江南之道。雲水迢迢。秋光渺渺。迴鳴鶴之吳舟。激采菱之越棹。隔浦紅蓮。牽舟碧藻。錦帆之月虛涼。絲纜之風微曷。歌舞如灰。鶯花已老。訪青翰之鄂君。挾西冷之蘇小。至若餘艸春泛。組練秋明。三千水犀之甲。十萬伏波之兵。黃龍煙邁。青雀雲平。軍中蛟屬。帳下龍旌。火攻下策。澤國長征。蘭白之帆如月。露橈之壁爲城。滄海君之意氣。和靈寶之功名。三百九橋兮寒雨白。七十二峯兮曉煙青。連洪濤兮廢壘。積荒葭兮營滄波。不極。煙草無情。綠沉水斷。寶刀夜鳴。哭樓船之楊僕。葬海鳥之田橫。落霞飛而天斷。斜月動而風清。與懷三婦之艷。再感五侯之鯖。亡澤中之和楚。刺江上之陳平。祖述則臨流欲渡。范蠡則規吳未成。博昌之船已廢。濟陽之艤無聲。未受靈威之箭。難逢蒼水之精。榜人再唱。客子數驚。小海則鳥鳶已厲。大山則桂樹猶生。煩鬱江魚之婢。浩蕩海鷗之盟。前鱸鯢而後鮪。絳弄江花而拾水荑。雖欲乘槎而問。

天不禁委淚之沾纓也。

江妃賦

金風勁兮秋水多。楓湛湛兮江始波。零芙蓉兮愁日暮。泛清光兮蕩綺羅。歌采蓮兮相思苦。煙漠漠兮迷南浦。送夕陽兮迴舟。愁脈脈兮不語。餘霞散綺。碧江舒練。流輝軼光。參差曼曼。宛輕颺之髣髴。悅明霞之離合。蔽薨然之靈幃。駕假蹇之慧楫。一江星之麗人。嘉亭亭而獨立。秀爛發而非聲。光四耀而無質。煙霞微含。乍遠乍遠。雲霞燦姿。或舒或卷。懸淵客之明蚌。蒙蛟人之素綃。灼灼乎若菡萏之擢水。飄飄乎若柳枝之凌風。惠秀中鬋。明艷外發。秋娟娟兮。即月眉春。宛宛兮。凌波。約雲鬢而如薄。被霧縠而延俄。迴窈窕之明眸。逸連娟之曼蛾。弄湯浥而微步。啓丹唇而宜笑。倩美盼之一迴。迴餘輝之四照。乘蘭輅其九氣。服靈衣其五銖。稱天孫之襄錦。曳羅母之翠裾。笑漢女之解佩。嗤宓妃之贈瑤。隔巫陽於神女。譙素蓮於西王。日曾波兮微睇。精駘蕩而中疑。守水精之絳盤。定明璫而不移。於時也。肅惠風而往來。整玉軼而徙倚。拂瓊枝之珊瑚。蕩輕雲而裔裔。玩江華之石英。娛秋光之寂寥。感鄙人之目成。託微詞以呈要。臨風以致辭。懷素娥之微歡。翳修裾其如月。吐芳氣以若蘭。凌微瀾以未翔。采翠羽以相寄。悵陰陽之永曠。悲嘉會之長棄。乍容與於江干。倏停輪於山椒。神榮榮其未止。光煜煜其忽搖。右睨上元之冠。左挾湘靈之袖。婉閒閒其笑言。翩善睐而色授。爾乃轉盼未終。流光四迸。迅如有神。飄若無影。遙敬耳而遠聽。隱絳鸞之啾啾。風靡靡而微動。江湛湛其安流。驚衆陣之雜遝。泛幽光之有無。波鱗鱗兮長往。目渺渺兮愁余出。

浦兮素月流。迴船兮碧雲合。呼榜夫以問之。迺緩歌以見答。其詞曰。沙棠楫兮江上寒。芳草歇兮懷所歡。千里兮滄江。萬里兮碧山。江妃歸去兮無處所。朝雲暮雨兮留人間。

寒城聞角賦

朔風起兮天末。遊子行兮未歸。望舊都兮無極。思故鄉兮永違。浮雲亭亭而去馬。頽陽蕭蕭而入衣。早禽歸而爭宿。寒獸走而因依。短衣迎寒。僕夫苦饑。乃解霜鞍。肅星飯。張虛牀。坐閒館。銀釭半明。金爐不煖。素河自流。華月空滿。覽寒城之迢遞。聽清角之悲惋。哀響乍急。愁聲頓緩。激寥亮而鳴鳴。遲徘徊而款款。絳霜已淒。碧雲微卷。天茫茫而逾高。水悠悠而彌遠。曲節微聯。淒音忽斷。啼猿則三聲月裏。落雁則萬重雲畔。草白煙黃。山光水淡。嘹唳而氣激。白虹蕭條而聲流。清漢變徵。激烈清商宛轉。和塞上之胡笳。協隴頭之羌管。齊急節兮城頭。寒飆厲兮颼颼。雲低回而不度。江鳴咽而不流。角弓勁兮寶刀嘯。邊馬嘶兮征夫愁。明關山兮不夜。肅天地兮如秋。山鬼吹燈而共語。青燐散野而未收。煙平蒼戍。月空古洲。家家擣素之石。夜夜流黃之樓。耿星漢而淚下。怨關山之路修。忽一聲之欲絕。傷九迴而逾遒。驚半夢於金微。墮雙淚於玉鈎。蕩子邊庭。征人隴右。柳葉衣兮漢月薄。蓮花劍兮胡霜厚。颼橫角之岩岩。一作巖口。警部曲之相守。仰萬馬而哀鳴。哭三軍而回首。蕭蕭大旗。靡靡古柳。漬血隱夫。悲笳淚花。寒夫征袖。迺異國之羈人。宿傷心之古戍。遑不寐而披衣。待丁丁之餘漏。哀瑤暉之若練。傷永宵之如晝。淚浪浪而應聲。髮衫衫而對酒。旣回雁而橫參。倏鳴雞而墜斗。感寒角之清厲。獨慷慨而赴赴。當斯時也。殘月在床。征馬在廐。長劍在

腰柔轡在手。戒裝霜涉。呼驪星走。僕夫倦起。行且謠曰。辛苦兮長征。清角兮淒聲。旅雁噉兮客心驚。城烏啼兮天漢橫。視東方兮未明。君何爲兮遠行。

寒燈賦

莫風方厲。朔雪其凝。丹靈未匿。素魄未升。天高銀漢。星低玉繩。思美人兮良夜。怨玄夕乎寒燈。耿亭亭其欲滅。光熒熒其半明。何永宵之晤言。乃援毫而賦形。夫銀釭之寒夜。照羈愁之獨眠。酌南油而踴滿。燃西漆而光懸。鶴頸委其未翔。鯨鬚舒而尙潛。怨蜃脂之明涸。傷蘭膏之芳煎。謝玉枝之秀華。讓荷蓋之澄鮮。託金羊而影續。赴霜蛾而晃燃。若其芳苴常生。蓮莖恒滿。臥玉虎而欲飛。擁金龜而不爇。動翠帷則生花。九枝解羅衣則銷明。兩焰飛蛾繞而照空。輕花重而微暗。回槃之浮炷。虛涼行帳之寒繁。欲短丙夜而空花亂飛。乙帳而淚珠不斷。銷膏則華幔漂搖。翦心則流蘇零亂。獨寂歷於空帷。隱流連於閨館。迺夫幽娥永巷。棄妾空房。倚花釭而獨坐。欹燈影而自傷。照流黃而非月。映擣素而非霜。微明昧於瑤寢。徘徊於玉堂。悲獨臥於雙花。懷君王於九光。丹灼灼以流帳。青熒熒其映床。移玉腕而微挑。眩飄花其欲亡。然死灰於獸炭。泛寒碧於羽觴。感愁心之脈脈。故搖曳而茫茫。照兩地之相思。燼雙炷之不长。況乎歧路一身。窮途兩淚。空焚更生之藜。時逢叔夜之魅。通雲絕再築之期。絕纓無可報之會。問棠梨而無人。觸老狸而獨寐。能無瞻熒影而自憐。撫青燈而長喟也哉。

怨曉月賦 李舒章雲云。古之善言怨者。三百篇而後僅見。離騷甚矣怨之難言也。存古忠孝性成。臨